

DEO OPTIMO MAX.

QUÆSTIO MEDICA,

92

QUOD LIBETARIIS DISPUTATIONIBUS
manè discutienda in Scholis Medicorum, die Jovis quintâ mensis
Decembris, Anno Domini M. DCC. XLVIII.

M. CAROLO-FRANCISCO THEROULDE DE TOULOUSE
DE VALLUN, Equite, Doctore Medico, Præsîde.

An Sanguis è Liene spissior?

I.



UAM abstrusa Lienis fabrica! Quantis & quàm gravibus in partes oppositas rationum momentis premantur ejus mechanisimus & actio, novit vel Artis Medicæ Tiro! Jamdudum de Lienis usu acutus inter se disceptant Medici; urinam aut nunc penitus innovereretur, aut saltem obscura minus involveretur caligine! Cæterorum corporis viscerum functionis quæ ætiologia sit, si non planè constat, ceterè, de functione ipsâ, qualis sit, inter Medicos non controvertitur. Tortuosos cerebri anfractus spirituum animalium elaborationi & dispensationi, oculum visioni præesse, auribus sonos excipi, ventriculum chylo perficiendo inservire, in intestinis chylum à fecibus separari, in renibus lotium, in hepate bilem fecerri, apud omnes in confesso est; quamvis non æquè pateat, quo mechanico & speciali apparatu variæ illæ actiones peragantur. Si tamen ex variis autorum sententiis, si ex datâ ab Anatomicis Lienis structurâ, atque ex canalis secretorii defectu, quid certi stabilendum sit, sanguinem arteriosum ab eo immutari, alterari, præparari saltem contendimus. Ut autem sanguis indefinitem corporis partium resarciat jacturam, perpetuo indiget cordis & arteriarum motu, quo subigi, & variis quibus à naturâ destinatur usibus, accommodari possit. Ideò mox à corde in arterias impetu maximo erumpit, mox verò flumine æquabili actus, venas subit, & cursu reptatili hinc inde serpit & vagatur, corpus universum rivulis calentibus irrigaturus; enimverò per corpus totum diffusus, partes lustrat remotissimas, refocillat, & humores licet diversos, secum rapit per sua emissaria tempestivè fecernendos. Sanguis enim omnium humorum fons uberrimus, chylum crudum necdum assimilatum absorbet, sinu amico fovet, & amplectitur, donec serum motu circulationis, & vasorum energiâ subactum, arteriis lymphaticis committi queat. At eo sero orbatus, novo mox allaborat operi, recenti nempe chylo per axillarem venam advecto, rescitur, ut alteram meditari possit progeniem. Mirum quàm præcipiti cursu dedalæos pulmonum canales sanguis traiciat? Per eos enim motu quadragesies (a) velociori purpureum illum laticem ferri quàm per arterias corporis, testantur experimenta. Secùs in capillaribus ob resistentiam (b) maximam tardatur, ita ut motus ei impressus omnis ferè conticeat. Ideò enim motus varii fiunt instituti, ductusque diversi effecti, ut sanguis quaquaversum actus & circumactus, varios fluiditatis spissitudinisve gradus, quos natura instituit, adipiscatur.

(a) Hales Hæm. moxat, exp. X.

(b) Boerhaav. inst. med. II. 222.

I I.

DUPLEX in sanguine motus à Physicis admittitur. Alter progressivus, quo partes cum ad centrum, tum ad peripheriam liquore vitali iterantur. Alter vorticosis, per quem liquidorum molecule à se invicem dissociantur, & motu vorticis abreptæ à concretionem prohibentur. Tertium (a) volunt nonnulli, quem vocant, liquiditatis, sine quo liquida respectivâ partium suarum mobilitate defraudantur, & veluti glacies coalescunt. Quibus quidem motibus

(a) Descartes, princ. de la Philosophie. p. 126.

A

sanguis agitatus, excussus, in minores ac minores sphaerulas dissectus, undique pressis, rotundiores figuram contrahit, quâ variâ illius molecule in uno tantum puncto sibi invicem applicantur, & hinc magis à se dimoventur. Verùm si motu languidiori feratur, globuli undique coacti fatiscunt; & vi quâdam attractrice uniti coalescunt. Nec solo motu circulatorio, interstinoque partium tumultu, sed etiam duplici parte (b) alterâ globulosâ, scrosâ alterâ elaboratus viget. In eo enim reperiuntur partes globulosâ, (c) saponiformes, quæ solos radios rubros admittunt, cæteros avertunt, & reflectunt. Ex eo etiam serum dimanat copiosius, album quod in illo latere lymphâ, ceu rectius aquâ dicto immergitur. Hinc dum vita manet, non modò partes heterogeneæ motu subiguntur, attenuantur, sed etiam lymphâ inter molecule sese insinuante, à contactu mutuo præpediuntur; ita ut his viribus unitis fluidiorem & floridiorem massam constituant. Singulæ enim aquæ portuiculae per sanguinis oceanum diffuse, ac velut interpositæ liquida corporis dividunt, dissociant, & globulorum sanguinis partium connubium prohibent, & avertunt, utpotè corpori insensibilissimum. Si autem quâcumque de causâ sanguis lymphâ suâ depauperetur, brevi spissescit. Cùm autem aut motus aut lymphæ immutatione sanguis crassescat, hæc duplici causâ majori spissitudine lentescere quis dubitet?

I I I.

QUEMADMODUM pulmo excipiendo, atterendo, digerendo totius corporis sanguini à nativâ fuit fabricatus: sic etiam Lien fieri constituitur, ut esset sanguinis veluti diverticulum, in quo à motu suo remitteret, & lymphâ spoliaretur inutili, ut bilis secretioni certius opitulari possit. Quapropter *αλβω* in sinistro hypocondrio, ut alterum hepar repositus, (a) linguæ Bovinæ figuram tescens, valdè (b) mollis & (c) spongiæ similis, innumeris vasorum propaginibus confatur, ita ut totus ferè (d) vascularis esse videatur. Coloris est obscuri & ad nigredinem vergentis, quidquid *Spigelius*, *Vesalius* in contrarium adducant. Illius autem arteria splenica dicta, ut plurimum à celiacâ, nonnunquam etiam ab ipso aortæ trunco (e) oriunda, jecorariâ (f) incredibili mensurâ major, longissima (g) totum visceris textum interiorem (h) ramis numerosissimis, densissimis perreptat, qui in minores ac minores ramulos diffusi, per Lienis substantiam, perque ejus membranam expatiantur. Ex quibus arteriarum extremis innumerae procedunt radices venarum, quæ in unum collectæ truncum confluunt, arteriæ trunco (i) majorem, splenicus audit, qui perforatâ Lienis substantiâ, in Portam, non recto, sed paululum devio tramite sanguinem fundit. Lymphaticis, & sanguiferis Lien instructus est, quæ quidem lymphatica, referente *Verheyeno*, p. 87, ita sunt numerosa, ut nulli parti cedant; & si fides habenda est *Ruyshy* de val. lymph. cap. 28, non solum in splenis superficie reperiuntur, sed etiam, ut *Bohnius* asserit p. 375, in parte interiori arteriam splenicam nervosque concomitantur. Quæ quidem valè omnia duplici membranâ, alterâ exteriori & communi, alterâ interiori & propriâ obvestiuntur, quæ mediante substantiâ cellulari à se invicem separantur. Earum exterior à peritonæo supposita, per Lienis substantiam extimam excurrit, eâ tamen lege, ut pars ventriculo adjacens (l) eâ spissimè destituitur. Interior autem paululum reflexa, singulas vasorum sanguiferorum divisiones, comes individua, sequitur, easque veluti capsulâ includit & obvestit, & demùm in varias abit cellulas favorem ad instar, & textum gossipii efformat, quæ singula vasorum arteriosorum extrema, ceu, ut censet *Malpighius* exerc. de Liene cap. 5. aut egregie (m) ostendit *Meryus*, velut totidem cryptæ delitescunt. Cùm autem copiosissimam vasorum lymphaticorum congeriem, & infinitas propemodum sanguiferorum distributiones, Lienis ineffe evicimus, sanguinem in eo insipissari comprobandum habemus.

I V.

CONDENSANDO sanguini natura provitens arteriam splenicam, non rectam, & brevem, sed longissimam, serpentino flexuosoque decursu ad Lienem deferri voluit, ut, antequàm eum subiret liquidiorum impetus, multum imminueretur. Ut primùm sanguis motu fervidus, & lymphâ dives, arteriosos friabilis huius visceris surculos vi maximâ rescraivit, furit quò rapuit impetus, va-

(b) Bohm. etc.
anatom. phys.
prog. XIII. p.
184.

(c) Hoffmann.
phys. p. 27.

(a) Bartholin.
anat. reform. p.
29.

(b) Verheyen.
anat. p. 85.

(c) Hippocrat.
sec. v. p. 612.

(d) Winslow.
Tr. du B. v. n.
337.

(e) Berger, de
nat. human. p.
214.

(f) Boerhaav.
n. 315.

(g) Drelinc.
de lienis.

(h) Ruifchy.
th. 7. Tom. 1.

(i) Winslow,
n. 341.

(l) Malpigh.
exerc. de lien.
cap. 1.

(m) in act.
Reg. Sc. acad.
1702, p. 25.

forum lateribus, angulisque fractus, huc illuc movetur, donec sensim celerior motus elanguescat, & domitus subactusque in cellulis velut incarceration. In iis autem detinetur, per hiantia ubique lymphatica lymphæ exiit, donec paulatim sedetur ipsius impetus & acquiescat. Ex descripto Liene constat disseminatos per hoc viscus arteriarum ramos mirum in modum esse contortos, & totidem esse obices quibus sanguis perpetuo frangitur, & in motu suo præpeditur. Demonstratur enim ex hydraulica, (a) liquidorum per vasa fluentium velocitatem esse in ratione inversâ vasorum amplitudinis: patet autem anatomie splenicæ subdivisiones trunco esse majores; hinc sanguinem ex angustiori in latius spatium effluere, & in motu suo retardari nemo diffirebitur. In cellulis eadem ac in vasis minimis sanguis experitur. Quæ quidem à natura eò potissimum insculptæ videntur, ut tanquam lacus sanguinem recolligant, asservent, utque ex omni earum superficie puncto, numerosissimis lymphaticorum osculis, lymphæ copiosissimè reforescatur. Aliundè laxior, & tomentosa Lienis compages, humorum motus in eo debilitati novum ministrat argumentum. Enim verò physici (b) demonstrant corpore quodam in planum mobile incidere, minorem esse nistum & renium vñ potentia absolutâ. Hinc in mollissimâ & quasi claterio destituta Lienis fabrica, vasa objecto prementi cedere, languide resiliere, & sanguinem debilius succuri necesse est. Nec satis bilis secretioni, ut sanguis in arteriâ, in capillaribus, in cellulis, in toro demum Lienis tractu, inspissetur, si natura huic ex Liene reduci viam non parasset longiorem, & ampliorem, scilicet venam splenicam, quò muneribus suis expeditius fungi possit. Venam splenicam arteriâ majorem ex anatomie adstruximus: hinc in eâ sanguinem ex angustiori in latius spatium derivati, in propatulo est. Ex eo arteriarum venarumve mechanico apparatu, & per immensam propaginum arteriosarum superficiem fractus, vitalis latex lentè movetur, & singuli illius globuli ferè inertes, pluribus punctis sibi apponuntur, invicem coherant, coeunt, & partem serosam eos dissociantem exprimunt, dimovent. Ea verò jam sui juris facta, ex cellulis per patula ubique vasa lymphatica delabuntur, quæ rivulorum more sanguinis massam exsurgunt, imminuunt, condensant; si quidem absente sero, à mutuo contactu globulosæ particula arceri desinant, propius accedant & coadunentur. Quod quidem lymphaticis innumeris ita evincitur, ut (c) *Bohnus* ipse opinioni nostræ omnium maximè insensus, lympham à liene copiosissimè recedere, rem esse Autopsiæ congruam asserere non dubitet. Sententiæ nostræ favet & suffragatur Asplenicorum mictio frequens, ex quâ inferre pronum est lymphaticum laticem, qui è liene non resecto ad cisternam usque lumbarem appellit, interceptis canalibus sanguini confusam per arteriam emulgentem ad renes uberius derivari. Cum itaque in eo viscere motus sanguinis langueat, seroque orbetur quàm plurimo, eum spissorem ad hepar deduci nullus inficiabitur. Quem quidem torpescentem sanguinis-motum optimè sensit *De Caux* (d) Cum non modo stomachum, intestina, cæteraque abdominis partes, sed etiam lienem sanguinis motui infringendo inseruire censeat; & alibi.... nullus in liene alius usus apparat: lieni cum attribuo, quia hoc munere lienem actu fungi esse evidens; neque alium assigno, quia non video aut actu adesse, aut esse necessarium: de qua quidem sententiâ doctiores judicent. Neque etiam est cur huic adstruendæ opinioni plurimorum suffragia authorum recolligam, cum ipsemet *Lientaud* (e) vacuo ventriculo lienem dilatari, sanguinem retardari & inspissari, distento verò stomacho, splenem comprimi, sanguinemque jam spissum expelli comprobaverit, ut bili alimentorum dissolutioni laboranti subveniret. Quid plura? An non idem demonstrant obscurus hujus visceris color, & Autopsia quâ luculenter comprobatur, in apertis lienis cellulis, sanguinem (f) crassum & extravasatum reperiri? Si autem in dubiis experientia sit summa rerum magistra, nobis eam non defuturam esse confidimus. Animalia enim secimus, & è venâ splenicâ ligaturâ turgidâ, sanguinem obscurum, nigerrimum, & maximè concrescibilem extraximus, dum arteria rutilantem, & fluidissimum suppeditavit, & utroque sanguine in phialas transfuso, venosum subito concrecentem, arteriosum verò maximè dilatum vidimus, & coram amicis fide dignissimis palam exposuimus. Nunc exploratum habetur,

(a) *Muschelbroeck, essai de Phys. T. 1. p. 255.*

(b) *Gravesand, elem. Mathem. Phys. T. 1. pag. 264.*

(c) *Ray, 250.*

(d) *Méd. diss. varia philosoph. P. 225. 6. 7. 8.*

(e) *In Act. reg. sc. Acad. 1738. P. 39.*

(f) *Winslow, n. 338.*

4
sanguinem tùm ex liene, tùm ex glandulis abdominalibus reducem, serosa sua parte spoliari, & mechanicâ motus sui alteratione compingi, ita ut manus velut auxiliatrices sibi mutuò præbeant, & junctis viribus in eundem effectum unâ conspirent.

V.

EXPOSITA splenis fabricâ, dilucidatisque ipsius functionibus, mirum profectò erit, quòd plurimi in nostram opinionem potissimum insurrexerint. Horum autem recentior. (a) ingeniosis rationum momentis, Lienis structuræ adversam opinionem reëdificare enisus est, & sanguinem ex liene fluidiorem, & floridiorem esse autumavit, ut bilis secretioni famuletur. Idèone tanto natura egeret vasorum apparatus, si bili conscienda fluidus latex requireretur? Nonne arguunt sanguinem spissum ad bilem esse necessarium, millenâ, quæ per totam abdominis capacitatem errant arteriolæ, quæ quidem à viâ rectâ & facili eò potissimum recedunt, ut lympham, si qua superfit, in viscera abdominalia effundant, & ut oleosa partes magis ac magis coeuntes bilis generi inserviant? Si lien ad subigendum sanguinem fuerit constitutus, cur sanguis in pulmonibus lymphâ adeò copiosâ irroratur, hisque tantâ vi succutitur, ut nihil Lieni ferè superfit perficiendum. Audiamus eos qui naturæ providentiam arctis rationis suæ cancellis volunt definire, & ad sanguinis fluiditatem hoc viscus diaphragmati esse appensum existimant: quasi verò infinitam opificis summi sapientiam, pro modulo nostræ finitæ mentis metiri possumus. Nonne potius ut sanguis crassus in Liene non nimis irretiatur, & in motu suo stimulis continuis excitetur? Quis est qui *Bohrium* perlegendò, à tantâ & rudi indigestorum experimentorum mole non decipiaur? Ejus authoris illecebris primâ fronte captus, opinioni præjudicatæ calculum adjecissem, nisi proptia me revocasset aberrantem experientia, & clarissimam in re tam obscura factam prætulisset. Dicant nunc cum *Erasistrato* ad ponderis *symplicis* lienem fuisse constitutum; inutile pondus conclamitent, ex eo quòd animantia Liene naturaliter orbatà (b) vivant, non secus ac ea quibus hunc, ferrum abstulit. Ut videant quantoperè fallantur, phenomena *vis ætherealis* accidentia *Bohno*, *Malpighio*, *Brunico* testibus perpendant, & plurimas eorum functiones non funditus everfas, sed ut plurimum immutatas esse considerent. Non magis autem splen inutilis habendus est, ex eo quòd ab illius extirpatione œconomia animalis non subvertatur, quàm renem alteruter superfluum, si uno obstructo, per alterum lotium scearnatur. Sunt etiam & plurimi qui lienem sentinam sanguinis vocaverunt, alii verò focum vitalem, ultimi demùm risus, & latitiæ sedem esse voluerunt: quos omnes ut inscios, & somniantes ad Lienis fabricam censemus esse reducendos. Certò enim certius est non alium in finem lienem fuisse constatum, quàm ut ad instar hepatis sanguinem condenset, & quasi perficiat, ut bilis fiat uberior, & majori polleat energiâ. Hinc mechanicis principiis suffulti, & experientiâ ducti, meritò inferimus.

Ergò sanguis è Liene spissior.

DOMINI DOCTORES DISPUTATURI.

- | | | |
|--------------------------------------|---|---|
| M. Bernardus-Nicolaus Bertrand. | M. Jacobus-Laurentius Manroy. | M. Claudius Carolus de Jean; Scholarum Professor designatus. |
| M. Stephanus Ludovicus Geoffroy. | M. Natalis-Andreas-Joannes-Baptista Chesneau. | M. Franciscus-Felicitas Cochu, Rei herbarie Professor designatus. |
| M. Dionysius Pautier de la Breuille. | M. Joannes-Franciscus Paris. | M. Ludovicus-Florentius Bellot. |

Proponebat Parisiis, CAROLUS-AUGUSTINUS VANDERMONDE, Macacæus apud sinas, Saluberrimæ Facultatis Medicinæ Parisiensis Baccalaureus, A. R. S. H. 1748, à sextâ ad meridiem.

Typis QUILLAU, Universitatis & Facultatis Medicinæ Typographi, 1748.

(a) D. D. Fils de Liene hom. Sano.

(b) Etemullina, cap. 13, plura refert aviùm generis Liene orbatæ.

Item Fanton, dissert. anat. 6. Chamaeleoni Lienem Dene-gat.